

AKASHVANI (AIR)
RNU : KOLKATA
Bengali Text Bulletin

Date: 17.10.2024

Time: 7.50 P.M

বিশেষ বিশেষ খবর –

১) নদীয়ার কৃষ্ণনগরে ছাত্রী খুনের তদন্তে গঠন করা হয়েছে সিট। মেয়েটির পরিবারের পক্ষ থেকে অবশ্য সিবিআই তদন্তের দাবি জানানো হয়েছে। এই ঘটনায় ধৃত রাহুল বসুকে আদালত ৭ দিনের পুলিশ হেফাজতে পাঠিয়েছে।

২) আর জি কর ইস্যুতে আন্দোলনরত জুনিয়ার চিকিৎসকেরা ভবিষ্যত কর্মপন্থা স্থির করতে সিনিয়ার চিকিৎসকদের সঙ্গে আলোচনায় বসছে। অনশন কর্মসূচীর ত্রয়োদশ দিনে হাসপাতাল থেকে আজ ছাড়া পেয়েছেন অনেকেত মাহাতো।

৩) দীর্ঘ আইনী জটিলতা কাটিয়ে রাজ্য সরকার সব সরকারী সাহায্যপ্রাপ্ত বিশ্ববিদ্যালয়ের স্থায়ী উপাচার্য নিয়োগের প্রক্রিয়া আগামীকাল শুরু করতে চলেছে।

৪) বাংলা অনূর্ধ্ব-১৯, ভিনু মানকার ট্রফি ক্রিকেটের কোয়ার্টার ফাইনালে। আগামীকাল তারা রঞ্জি ট্রফি ক্রিকেট ম্যাচে বিহারের মুখোমুখি হবে।

oooooooooooooooooooooooooooo

আগেই জানানো হয়েছে, মৃতার পরিবারের দাবি অনুযায়ী দেহটি কল্যাণী কলেজ অব মেডিসিন এন্ড জে এন এম হাসপাতালে ম্যাজিস্ট্রেটের উপস্থিতিতে ময়না তদন্ত করা হয়। গোটা প্রক্রিয়ার ভিডিওগ্রাফিও করা হয়েছে। ময়নাতদন্তকারী চিকিৎসক চিকিৎসক জানিয়েছেন, দেহে অ্যান্টি মর্টাম বার্ন রয়েছে। যার অর্থ অ্যাসিড নয়, আগুনে পোড়ানো হয়েছে দেহ। কল্যাণী থেকে বিকেল ৫ টা নাগাদ দেহ শক্তিনগর হাসপাতালে নিয়ে এসে পরিবারের হাতে তা তুলে দেওয়া হয়। সেখান থেকে নিয়ে যাওয়া হয় শেষকৃত্যের জন্য। পোস্টমর্টেম চলাকালীন মর্গের সামনে বিজেপি ও সিপিআইএম বিক্ষোভ প্রদর্শন করে। সন্ধ্যায় কৃষ্ণনগরে এস ইউ সি আই এর পক্ষ থেকে মিছিল বের করা হয়।

মেয়েটির পরিবারের পক্ষ থেকে সিবিআই তদন্তের দাবি জানানো হয়েছে। আগামীকাল ফরেনসিক দল কৃষ্ণনগর যাচ্ছে।

আজ দুপুরে এডিজি দক্ষিণবঙ্গ সুপ্রতিম সরকার, ডিআইজি সিআইডি সোমা দাস ও মুর্শিদাবাদ রেঞ্জের ডিআইজি ওয়াকার রাজা ঘটনাস্থল পরিদর্শন করেন।

এদিকে, মৃত্যুর পূর্ব পরিচিত ধৃত রাহুল বসুকে আজ আদালতে তোলা হয়। তাকে সাত দিনের পুলিশ হেফাজতে পাঠানো হয়েছে।

○○○○○○○○○○○○○○○○○○○○○○○○○○○○○○

পুরুলিয়ার বরাবাজারে কুমারী নদীর পাড় থেকে এক যুবতীর দেহ উদ্ধারের ২৪ ঘন্টা কাটতে না কাটতেই মানবাজার মহকুমা এলাকার মানবাজার ও বোরো থানার সংযোগ স্থল দোলদেড়িয়ায় ঐ নদী থেকেই উদ্ধার হলো ১ অজ্ঞাত পরিচয় মহিলার পচা-গলা মৃতদেহ। দেহটি জলে ভাসতে দেখে স্থানীয়রা পুলিশে খবর দেন। পৌঁছায় মানবাজার এসডিপিও সহ শীর্ষ পুলিশ আধিকারিক। দুটি ঘটনার যোগ রয়েছে কিনা পুলিশ তা খতিয়ে দেখছে। শুরু হয়েছে তদন্ত।

oooooooooooooooooooooooooooo

আর জি কর ইস্যুতে আন্দোলনরত জুনিয়ার চিকিৎসকেরা তাদের ভবিষ্যৎ কর্মপন্থার রূপরেখা স্থির করতে সিনিয়ার চিকিৎসকদের সঙ্গে আলোচনায় বসছে। ওয়েস্ট বেঙ্গল জুনিয়ার ডক্টর্স ফ্রন্ট WBJDF-এর পক্ষ থেকে সিনিয়ার চিকিৎসকদের একাধিক সংগঠনকে আলোচনায় বসার আমন্ত্রণ জানিয়ে ই-মেল পাঠানো হয়েছে। আজই এই অন লাইন বৈঠক হওয়ার সম্ভাবনা। আন্দোলনরত চিকিৎসকেরা আরও কিছু কর্মসূচী গ্রহণ করেছেন। এক জুনিয়ার চিকিৎসক জানানেন,

(বাইট)

এদিকে, ১০ দফা দাবিতে ধর্মতলায় জুনিয়ার চিকিৎসকদের আমরণ অনশন কর্মসূচীর আজ ত্রয়োদশ দিন। ধর্মতলায় ৭ জন এবং উত্তরবঙ্গ মেডিকেল কলেজে ১ জন চিকিৎসক অনশন করছেন। ধর্মতলায় অনশন মঞ্চে আছেন অর্নব মুখোপাধ্যায়, স্নিগ্ধা হাজরা, সায়ন্তনী ঘোষ হাজরা, পরিচয় পাভা, আলোলিকা ঘাট্টাই, রুমেনিকা কুমার, স্পন্দন চৌধুরী।

উত্তরবঙ্গে অনশন চালিয়ে যাওয়া সন্দীপ মন্ডলের রক্তচাপ ঠিক থাকলেও অন্য সমস্যা দেখা যাচ্ছে। অন্যদিকে, অসুস্থ হয়ে পড়া সৌভিক বন্দ্যোপাধ্যায়ের শারীরিক পরিস্থিতির অনেকটাই উন্নতি হয়েছে।

অনশন চলাকালীন অসুস্থ হয়ে হাসপাতালে ভর্তি আরও চার চিকিৎসক।

অন্যদিকে, আর জি কর-এ জুনিয়ার ডাক্তারদের সমর্থনে ৩৬ ঘণ্টা অনশন করছেন, লন্স্লেী-এর কিং জর্জ মেডিকেল কলেজের দুই চিকিৎসকও।

সূত্রের খবর যে রাষ্ট্রীয়ত্ব ব্যাঞ্জে সন্দীপের স্থায়ী আমানত রয়েছে, সেখানে তার স্বাক্ষরের অথেন্টিকেশন বা প্রামাণ্যতা নিয়ে প্রশ্ন উঠেছে। আর তার থেকেই দেখা দিয়েছে এই সমস্যা।

উল্লেখ্য, গত ৯-ই আগস্ট আর জি কর-এর তরুণী চিকিৎসকের ধর্ষণ ও খুনের ঘটনার পর সিবিআই ওই হাসপাতালের আর্থিক দুর্নীতির অভিযোগে সন্দীপকে গ্রেফতার করে। পরে ওই খুন ও ধর্ষণের ঘটনায় তথ্য প্রমাণ লোপাটের অভিযোগেও তাকে গ্রেফতার করা হয়। বর্তমানে তিনি প্রেসিডেন্সি জেলে বন্দী।

আর জি কর কাণ্ডে দ্রুত ও স্বচ্ছ তদন্তের দাবিতে জাগো নারী নামে এক মহিলা সংগঠন আজ সল্টলেকের সিবিআই দপ্তর CGO কমপ্লেক্স অভিযান করে। আর কতদিন সময় চাই জবাব দাও প্রতিবাদীরা ওই শ্লোগান দিতে থাকেন CGO কমপ্লেক্সের সামনে। কতদিন এই তদন্ত চলবে তাও প্রশ্ন তোলেন তারা। মিছিল করুণাময়ী থেকে

সিজিও কমপ্লেক্স পর্যন্ত যায়। প্রতিবাদীরা সিজিও কমপ্লেক্সের ভিতরে ঢুকতে গেলে তাদের ঢুকতে বাধা দেওয়া হয়। ঘটনায় মহিলা পুলিশের সঙ্গে প্রতিবাদীদের বচসা বাধে। পরে জাগো নারী নামে ওই মহিলা সংগঠনের পাঁচ জন প্রতিনিধি সিজিও কমপ্লেক্সের ভিতরে গিয়ে তাদের দাবি-দাওয়া সম্বলিত স্মারকলিপি জমা দেন বলে জানা গেছে।

এদিকে এই ঘটনার প্রেক্ষিতে তৃণমূল কংগ্রেস নেতা কুনাল ঘোষ সাংবাদিকদের প্রশ্নের উত্তরে বলেছেন, শুধুমাত্র বিশৃঙ্খলা, অরাজকতা তৈরী করার লক্ষ্য নিয়েই এ ধরনের কাজ করা হচ্ছে।

অন্যদিকে আর জি কর এর ঘটনা এবং গত বছর র্যাগিং কাণ্ডে বিশ্ববিদ্যালয়ের এক ছাত্র র মৃত্যুর ঘটনার বিচার সহ মোট সাত দফা দাবিতে যাদবপুর বিশ্ববিদ্যালয়ের ছাত্র ছাত্রী, গবেষক, প্রাক্তনী, অধ্যাপক সহ কর্মচারীরা আজ সন্ধ্যা থেকে প্রতিবাদে সামিল হয়েছেন। জে ইউ ফর জাস্টিস নামে নতুন একটি সংগঠন তৈরি করে সাধারণ মানুষকেও এই প্রতিবাদে সামিল করার আবেদন জানানো হয়েছে। সংগঠনের তরফে আজ এক প্রেস বিবৃতিতে আর জি কর কাণ্ডের প্রতিবাদে জুনিয়র চিকিৎসকদের দাবিগুলিকে সমর্থন জানিয়ে পুলিশ ও রাজ্য সরকার ক্ষমতার অপব্যবহার করছে বলে উল্লেখ করা হয়েছে। যতদিন না তাদের দাবি পূরন হচ্ছে ততদিন বিশ্ববিদ্যালয়ের চার নম্বর গেটের সামনে তাদের এই ধর্না কর্মসূচী চলবে বলে জানানো হয়েছে।

০০০০০০০০০০০০০০০০০০০০

দীর্ঘ আইনি জটিলতা কাটিয়ে সুপ্রীম কোর্টের নির্দেশ মেনে রাজ্য সরকার সব সরকারি সাহায্যপ্রাপ্ত বিশ্ববিদ্যালয়ে স্থায়ী উপাচার্য নিয়োগ করতে চলেছে।

এই নিয়োগ প্রক্রিয়া আগামীকাল শুরু হবে বলে উচ্চশিক্ষা দপ্তর সূত্রে জানা গিয়েছে। কলকাতা বিশ্ববিদ্যালয় ছাড়াও জেলার দুটি বিশ্ববিদ্যালয়ে আগামীকাল স্থায়ী উপাচার্য নিয়োগের কথা।

উল্লেখ্য উপাচার্য নিয়োগের জন্যে যে আড়াই হাজারের মত আবেদন জমা পড়েছিল তার মধ্যে ৫০০ জনকে বেছে নেওয়া হয়েছে।

০০০০০০০০০০০০০০০০০০

পূর্ণিমা থাকায় গতকালের পর আজও বাংলার ঘরে ঘরে কোজাগরী লক্ষ্মীপূজো অনুষ্ঠিত হয়। সন্ধ্যের পর পূর্ণিমা তিথি পড়ায় অনেক বাড়িতেই গতকাল গভীর রাত পর্যন্ত পূজো চলে। আজ বিকেল ৫ টা ১৭ মিনিট পর্যন্ত পূর্ণিমা তিথি থাকায় দিনভর চলে পূজো।

০০০০০০০০০০০০০০০০০০০০

বীরভূমের মুরারইয়ে তৃণমূল কংগ্রেসের বিজয়া সম্মেলনী অনুষ্ঠানে দলীয় কর্মী সমর্থকদের মধ্যে ঝামেলা বাঁধে। অনুষ্ঠানে পস্থিত ছিলেন বোলপুরের বিধায়ক তথা রাজ্যের মন্ত্রী চন্দ্রনাথ সিংহ, সিউড়ির তৃণমূল বিধায়ক বিকাশ রায় চৌধুরী, কোর কমিটির অন্যতম সদস্য সুদীপ্ত ঘোষ সহ সদ্য জেল থেকে মুক্তিপ্রাপ্ত অনুরত মণ্ডল। তবে সভায় দেখা যায়নি কোর কমিটির তিন গুরুত্বপূর্ণ সদস্য কাজল সেখ, অভিজিৎ সিংহ আর আশিস ব্যানার্জিকে। অনুষ্ঠান শুরু হতেই বাঁধে বিশৃঙ্খলা।

০০০০০০০০০০০০০০০০০০০০০

কলকাতা ও দক্ষিণবঙ্গের বিভিন্ন জেলায় মাঝে মধ্যেই বিক্ষিপ্ত বৃষ্টি হচ্ছে। আকাশও আংশিক মেঘাচ্ছন্ন। তবে, আগামী ২-৩ দিন দক্ষিণ ও উত্তরবঙ্গের আবহাওয়া প্রধানত শুষ্ক থাকবে বলে আলিপুর আবহাওয়া দফতর সূত্রে জানা গেছে। মাঝে মধ্যে কোন কোন জায়গায় ২-১ পশলা হালকা বৃষ্টি হতে পারে।

এদিকে, উত্তর আন্দামান সাগরের ওপর রবিবার ২০ তারিখ নাগাদ একটি ঘূর্ণাবর্ত তৈরি হওয়ার সম্ভাবনা। মঙ্গলবার ২২ তারিখ নাগাদ সেটি নিম্নচাপে পরিণত হতে পারে বলে আলিপুর আবহাওয়া দফতরের পূর্বাঞ্চলীয় প্রধান সোমনাথ দত্ত জানিয়েছেন।

(বাইট – সোমনাথ)

কলকাতায় আজ বিকেল সাড়ে পাঁচটা পর্যন্ত গত ২৪ ঘণ্টায় বৃষ্টি হয়েছে ৩৫ দশমিক ৮ মিলিমিটার। বৃষ্টিতে তাপমাত্রা সামান্য কিছুটা কমেছে।

০০০০০০০০০০০০০০০০০০০০০০

বাংলা অনূর্ধ্ব ১৯ ভিনু মানকদ ট্রফি ক্রিকেটের কোয়ার্টার ফাইনালে উঠেছে। রাজকোটে আজ বাংলা ৫০ রানে মধ্য প্রদেশকে হারিয়ে দেয়। বাংলা প্রথমে ব্যাট করে ৯ উইকেটে ২২৭ রান তোলে। অগ্নিশ্বর দাস ৮৭ রান করেছে। মধ্য প্রদেশের ইনিংস ৩৭ ওভার তিন বলে ১৭৭ রানে শেষ হয়ে যায়। রবিবার কোয়ার্টার ফাইনালে বাংলা, মহারাষ্ট্রের বিরুদ্ধে খেলবে।

০০০০০০০০০০০০০০০০০০০০০০

বাংলা, আগামীকাল রঞ্জি ট্রফি ক্রিকেটের ম্যাচে বিহারের মুখোমুখি হবে। কল্যাণীর বেঙ্গল ক্রিকেট একাডেমি গ্রাউন্ডে খেলা শুরু হবে সকাল সাড়ে ৯টায়। উত্তরপ্রদেশের বিরুদ্ধে বাংলার এবারের রঞ্জির প্রথম ম্যাচটি অমীমাংসিত ভাবে শেষ হয়। প্রথম ইনিংসে এগিয়ে থাকার সুবাদে বাংলা তিন পয়েন্ট সংগ্রহ করেছে।

০০০০০০০০০০০০০০০০০০০০০০

০০০০০০০০০০০০০০০০০০০০০০